

CHRISTOPHORVS

Ionsonus Ioanni Capelino ciui

ac mercatori Southamptonensi

grauissimo.



*I*n nihil aliud spectarem, uir humanis-
sime, quā quod Richardus Whi-
tus sororis tuæ (ut ipse predicare so-
let) filius, amicus meus sit, fuerit
q̃ iam inde à pueris, certè ea mihi
iustissima causa uideri posset, cur has eius orationes,
præsertim doctas & elegantes, librarijs excudendas
committerem, minimeq̃, sinerem tantas eius ingenij
dotes, tam accuratam amici industriam diutius in
occulto esse. Iam uerò neque illa causa nulla est, neque
non sunt aliæ maiores. Nam primum (ut de tua hu-
manitate aliquid dicam) quid magis conuenit, quā
eam omnibus laudibus efferri atque ornari, qui tuo
sumptu singulari effeceris, ut hic Richardus utroque
parente orbatus à modum puer, sine spe, sine opibus,
primum Wyntonia in grammatica, deinde Oxonij in
dialectica, ceteraq̃ philosophia, tum Louanij in rhe-
torica, ubi has orationes cum multorum admiratio-
ne habuit, postremo Patavij, ubi nunc agit, in Iu-
ris scientia tantum prouentum faceret, quantum ho-
die in optimo ac studiosissimo adolescente uidemus.
Nec te propter hæc laudari solum (quæ pro tot meri-
tis perquā sane exigua remuneratio est) sed eorum
etiam sumptuum, quos in eum impendisti fractum
aliquando capere existimo oportere. Quod utrumq̃

EPISTOLA AD

mea quidem sententia, hacistarum orationum diuul-
 gatione fiet maxime: illud, quia non dubito, quonia
 omnes, qui quide de literis aliquid iudicare possunt,
 quum hac uiderint, te tuamq pietatem ac liberali-
 tatem laudaturi sunt, ut inam imitaturi quoque: hoc,
 quod existimem nullum ex sumptibus uberiores fru-
 ctum posse percipi, quam si eos intelligas irritos non
 fuisse: quod tantu abest ut suspiceris, ut haud sciam,
 an ulla unqua mercatura plus lucri feceris, magisq;
 rem tuam familiarem auxeris, quam, quum huic iu-
 ueniliteras, quae & tibi quoad uixeris ornamen-
 to, & post mortem liberis tuis tutela ac propugna-
 culofutura sunt, coparasti: taceo interim quam fu-
 eris patrie ciuis bonus atque utilis, cui uirum do-
 ctum, hoc est thesaurum longe preciosissimum, condo-
 nasti. Atque hac quidem me causa inprimis commo-
 uit ad hanc editionem: uolui enim ut & tu quantum
 boni feceris intelligeres, & ut omnes intelligerent.
 Postremo illud quoque in mentem ueniebat, iuuen-
 tutem Britannicam, quae passim per uniuersam insu-
 lam otio scholastico uacat, etsi habeat quos sequatur
 in eloquentia studio authores grauissimos, Fabium
 ac Ciceronem, posse tamen nescio quo pacto domesti-
 cis fortasse ac familiaribus exemplis melius excitari.
 Ex meo ingenio coniecturam facio: certe ego quum
 puer essem, & grammatices praeceptis opera darem,
 ut alia non aspernabar, ita si quando in Thoma Mori
 aut Epigrammata, aut Utopiam, aut Declamationes
 ex Luciano conuersas incidissem, nescio quo modo,
præter

IO. CAPELINVM.

præter omnem modum ac rationem delectabar, studi-
o que legendi uehementer efferebar. Si causâ quæ eris,
nullam aliam habeo, quàm quod Anglus quum esset
Morus, non dubitabam me Anglum, nisi ingenium
aut ualeudo impediret, pari studio, parem etiam li-
teraturam aliquando posse consequi: quod in anti-
quis exterisque illis sperare non licebat: Itaque ope-
ræ præcium me facturum existimaui, si has amici mei
lucubrationes in publicam studiosorum utilitatem
proferrem, ut omnes haberent & quod imitarentur
& quicum certarent, & quem superarent etiam si
possent: neque enim ægrè feret Richardus Vubitus,
(cuius ego hominis candorē noui) si in hoc, præsertim
à suis ciuibus, literario certamine uincatur. Reli-
quam est, ut quam ego in hys edendis amicitiæ satis
fecerim, tuæ laudi consuluerim, iuuentutis studia ad-
iuuerim, tu pro tua sapientia meum hoc officium in
bonam partem accipias, ac Richardum tuum, meum
inquam, immo utriusque si pateris communem the-
saurum, amare, fouere, atque omni munificentia ac li-
beralitate, uti facis, ornare nunquam desinas. Vale.
Vintonia è collegio nostro, quinto Kal. Mart.

Anno. Dom. 1565.


a. iij.

Fragmentum

Fragmentum cuiusdam epistolæ, quæ
ab Anglo quodam Parisius quum esset,
ad Christophorum Ionsorum scrip-
ta de Richardo V Vbitō, quem
Leuconymum appellat, inter
cætera sic habet.

OMnes tui te salutant plurimum, valent q̃ &
vivunt more solito. Nuper etiam a Leucony-
mo accepi literas, qui nunc annum totū atq̃
eō amplius transigit Patauy. Totus est in Iure, un-
de puto aliquādo proditurus est gravissimus aliquis
Alciatus, quod serio dico ac uti mihi persuadeo. No-
sti enim hominem ac ingenium. Vellem tecum pluri-
bus agere, & ad antiqua ac familiaria magis descen-
dere, nisi quod me nunc alio vocet iter, & te schola,
ex qua utinam te posses aliquando totum educere,
ac ad magis necessaria convertere studia, simulque et-
iam veterum congerionum renovare consuetudinē
iucundissimam. Vale. Tuus Io. P.

RICHARDI WHI,
ti, de omnium artium, & philo-
sophiæ circulo,
oratio.

VOD EGO SEMPER
optavi, auditores, ut mihi
aliqua daretur apud vos
dicendi occasio, id ho-
dierno die, & uestra omniū qui ad-
estis, uti spero beneuolentia, & mea
maximè uoluntate contigit. Nam
cum in hoc opiniosissimo nostro
sæculo diuersa esse uiderem diuer-
forum hominum de bonis literis
studijsq; honestissimis iudicia, dum
alius Grāmaticæ proprietatis igna-
rus, ad lura & leges adspiret, alius
Dialecticæ irrisor, ineptas moueat
quæstiones, alius Rhetoricæ uitupe-
rator, in eloquētiam orationes con-
scribat, alius tanquam Musices osor,
accusetur, alius ex arte numerare ne-
gligat, alius Geometriam, ut inutile
reñciat

ORATIO

reñciat, alius Astronomiã vt impi-
 am condemnet : cumque istas t
 hominum cogitationes scirem com-
 munibus studijs graue detrimentũ
 allaturas, putauĩ ego de totius phi-
 losophiæ (quæ istas artes continet)
 dignitate, eiusq; partium pulchra
 consecutione mihi esse dicendum.
 Non quod existimem causam tantã
 & tam grauem meis ingenij uiri-
 busullo modo sustineri posse, qui (si
 nihil esset aliud quod adferretur)
 nullo certè unquam dicendi usu ex-
 exercitatus, in conspectum uestrum
 hodiè primũ uenio : Sed ut animos
 uestros in amore studiij Philosophi-
 ci confirmarem, cum intellexerim
 nihil magnum esse facile, arduum
 autem & difficile inueniri quod sit
 pulchrum, neq; aurib. uestris quic-
 quam esse dignum iudicauerim, nisi
 idem præclarum esset atq; iucundũ:
 malui

PRIMA.

malui ego in rei difficillimæ, communibus studiis utilissimæ tractatione sponte mea succumbere potius oneri, quam causam exiguam, nulliusq; momenti aut existimationis, ad uos adducere: quorum orationes de reb. grauissimis & maximis, multas sæpe audiui, easq; grauissimas: quibus si nihil referre uelim, ingratus sim. Cum igitur nuper de Musica & Astronomia duabus artib. præstantissimis eruditè dictum sit, habitaq; fuerit ex hoc loco oratio, de natura corporū cælestium, totiusq; mundi harmonia: coepi ego mecum cogitare, non ingratum, uobis argumentum futurum, quod similiter de reb. ingenij tractaretur, totiusq; Philosophiæ summa consensione, præsertim cum ex Philosophia communia omnium facultatum, certissimaq; fundamenta iaciantur. Quam ergo
rem

PRIMA.

rem & uoluntate uobis gratificandi
 & meipsū partim experiūdi suscepi,
 auditores, si in ea re uestros mihi a-
 nimos, cogitationesq̃ uestras ali-
 quandiu accommodaueritis, efficiā
 profectò, ut philosophiam, & quid
 ipsa sit, unde orta, quæq̃ incrementa
 acceperit, deinde quot & quas par-
 tes habeat, quoq̃ ordine singulæ cō-
 stituantur, demū, qui quibusq̃ par-
 tibus fuerint inuentores, intelligatis.
 Ita enim maximè uobis ostendetur
 illa, quam Græci ἐγκυκλοπαιδείαν
 quasi orbem quendam, atq̃ ambitū
 disciplinarum idcirco uocant, quòd
 omnes artes, quæ ad humanitatem
 pertinent, habeant quoddam com-
 mune uinculum, & quasi cognatione
 quadam inter se contineantur. Hæc
 tria cum docuero, perorabo.
 Magnus ille Pythagoras, fuit, audi-
 tores, ex tota philosophantiū natione
 facile

ORATIO

facile princeps. Is uir, cū ab eo quæ-
reretur, quis nam eſſet, aut cuius di-
ſciplinę conſectator, ſe eſſe philoſo-
phum dixit, & amatorem ſapientię.
Diuina uerò uox, & uiro docto dig-
na. Vidit enim homo prudentiſſi-
mus, excepto ſolo deo, ſapientē ef-
ſe neminem, licet eo tum nomine
omnes ferè eruditi appellarentur.
Quæ igitur ſcientia multis antè ſæ-
culis non ſimplici magis, quàm arro-
ganti nomine ſophia uocabatur, il-
la poſt à Pythagora compoſitione
quidem & meliori uocabulo, phi-
loſophia primū dicta eſt, quæ cer-
tè quid ipſa ſit, ſi ad uerbū rem uolu-
mus attingere, non iā ſapientiā, ſed
ſapientiæ quoddam ſtudium eſſe in-
telligitis. Nam eſt ſapientia ſubli-
mius quiddam & auguſtius, ſcien-
tia proſectò non humanarū modò,
ſed rerum etiam diuinarum. Cum
autem

O R A T I O

autem scientiam dico, uideor mihi quodam modo non solum studiorum nostrorum, uerum totius sapientiae, deum nominasse, sacrosanctam inquam Mineruam, bonarum Artium omnium parentem, quae nobis de ipsius Iouis cerebro & capite nata est, ut intelligamus, omnem scientiam ex Deo esse. Qui cum hominem per rationem sibi cognatum effecisset, hinc euenit, ut partes Philosophiae, omnisque cognitionis ab ingenio deinceps humano inuentae essent atque excoltae. Quae postquam ad tantam hodie magnitudinem atque infinitatem excreuerunt, ut nullo nunc neque loco neque numero contineri posse uideantur: mihi quidem de ipsis orationem instituenti, magnam molestiam sunt allaturae: nisi uestra subueniat humanitas, quae si accesserit, auditores, ut haecenus Philosophiam

quid

PRIMA

quid ipsa sit, & unde exorta, breuiter declarauit: sic eius partes pulchro ordine, certoq; numero tanquam in circulum conclusas, uobis etiam ante oculos proponam, ut non tam Auditores diligentes, quàm præsentes in circo Spectatores esse uideamini.

Aristoteles igitur Philosophiæ scriptor absolutissimus, Artem tunc fieri dixit, cum ex multis experientiarum sumptionibus una quædam generalis, siue uniuersa de similibus cōcepta opinio nasceretur. id quod benè nobis declarant primi illi homines, atq; rari adhuc uniuersi terrarum orbis habitatores. Qui cum aliquando conuenissent, (ut natura certè facilè congregantur) seseq; mutuo loquentes intellexissent: audissent contra brutorum animantium uoces, significantes illas quidem dolorem,
B.i.

O R A T I O

lorem aut uoluptatem, eas tamen intellectu percipere non potuissent: putauerunt hanc sibi uim sermonis solis esse datam. Quod postquam Aegyptij paulo diligentius considerassent, expertiq; iam longo tempore essent, homines singulos ea uoce uti, quæ ab hominibus intelligeretur, neq; id in vlllo animalium genere idem euenire, genus humanum certò intellexerunt à cæteris animantibus oratione differre: cuius certè usus tantus, atq; tam gratus inter præsentestum erat, ut etiam inter absentes eundem haberi exoptarent. quod quando sine scriptis fieri nō potuit, depingebant quidem formas atque imagines bestiarum, quibus sensus animorum suorum exprimerent. ut quoniam bestiæ omnis sermonis expertes essent, pro sermonis characteribus & figuris secundū propri-

PRIMA.

as cuiusq; & naturales qualitates haberentur. testantur hoc hodie Ori Apollinis *ιερογλ υφικα* Aegyptiacę literaturę expressa signa. Horum autem hominum primam istam ruditatem miseratus tandem est Mercurius: & figuras quasdam literasq; effinxit, quib. Aegyptij in scribendo vterentur: à quib. certè hominib. & reliqui eas postea consecuti sunt, & cum primis Phcenices. à Phcenicibus autem Cadmus acceptas adduxit in Græciam. ubi cum earum vim ac potestatem Epicurus aliquandiu contemplatus esset, ex eisq; syllabas coniunxisset, ex syllabis uerba composuisset, ex uerbis autem orationes formasset, illā nobis Artem excogitauit, quę & rectè loqui, & emendatè scribere docet, appellauitq; Grammaticam, q; literas Græci *γραμματα* uocarent. Hęc est autem Ars una,

B.ii.

hęc

O R A T I O

hæctoto ordine prima. Vnam cum dico , ex multis literis, ex multis uerbis & orationibus in unum iustum modū coniectis, Artem conflatam dico, quæ certè una, per omnes Artes peruagatur : cum nulla sit facultas, quæ sine sermone (cuius hæc præcipua cultrix est) doceri queat. Vt igitur unitas reliquorum numerorum initium est, sic & Grammatica cæterarum facultatum , illud tantum interest, quod unitas principiū sit illa quidem cuiusq; numeri, non ipsa tamen numerus : Grammatica uerò præterquam quod omnium liberalium Artium certa sit basis, atq; unicum quo nitantur fundamētum, est ipsa etiam Ars quædam præstabilissima, quæ cæterarum omniū prima in primo huius circuli aditu, atq; in ipso uestibulo sita est, ut intelligatis, Auditores, per hanc tanquam
per

PRIMA.

per aliquam ianuam ad secretiora
reliquarum adyta uobis esse accedē-
dum. Nam ubi per uerba iustè posi-
ta tāquam per certas ualuas, hæc uo-
bis Ars hominum cogitationes a-
peruisset, qui ex ipso rerum usu præ-
terita cum præsentibus coniungen-
tes, futurorū quandā habeāt præse-
ntiā, cœperūt illi quidem uiri animis,
& ingenio fortiores, hominib; imbe-
cillioribus consilia dare, tum, quo-
modo se aduersus periculorum quæ
instabant, calamitates defenderent,
tum etiam, quo pacto, si quæ accide-
rent, in futurum tempus sibi proui-
derent, unde prudentes, quasi de lon-
go interuallo prouidentes sunt ap-
pellati: quod ipsorum factum ani-
maduertens Zeno, maiorem hanc
quandam, quàm sermonis uim esse,
facile perspexit. Vidit enim homo
acutissimus, non oratione so-

ORATIO

lūm ab animantibus homines, sed etiam ratione secerni, quam cum colere uoluisset, ex ea produxit artem Logicam, quasi humanæ rationis excultricem. Quæ quidem Logica, non solum utilis est ad quotidianū sermonem & colloquia, uerū ad excercitationem quoq; ingeniorum & difficilium quæstionum disquisitiones: ut necesse non sit dicere, ad cæteras Philosophiæ disciplinas multa habere eā emolumēta. Nā & hoc antè significatum est, auditores, omnes artes ab ingenio, rationēque humana esse profectas. Ergo cum in omni sermone & quid uerum, & quid falsum sit, intelligere, multum intersit ad omnium utilitatem, nata est hæc Ars, uerī falsiq; iudicatrix: quæ duo, duos ferè semper habent defensores, Actorem & Reum: ut inde non malè à quibusdam uocetur
ista

PRIMA.

ista facultas, Dialectica, quasi quædā
disputatio. hoc autē est, duorū ho-
minū putatio, (si liceret dicere) siue
iudicium de unius alicuius rei certa
ueritate. Quod cum ita sit, ut & hæc
Ars duas res, verū & falsū probabili
argumentatione discutiat, uerseturq;
eius inter duos sermocinatio, uide-
tur mihi quadam necessitate in eum
locum reponenda, qui est duorum
proprius. Secundo igitur loco secū-
dam artem Dialecticam habete, di-
uinam planē quandam & admirabi-
lem facultatem, atq; homini soli pe-
culiarem & propriam, cuius de lau-
dibus si mihi nunc esset dicendum,
uereor, auditores, ne prius tempus,
quā oratio me deficeret. Dialecti-
ca enim per rationis uim, & humani
intellectus notiones discurrens, sapi-
entiæ in nobis auxit cognitionem.
quæ quidem sapientia cum loquen-

O R A T I O

diquādā uenustate, dicēdiq; ubertate, seipsam postea ostendit. Vnde exorta est illa quam Cicero copiosè loquentem sapientiam, Græci nerò artem *ῥητορικὴν* uocant, quòd iucundo quodam sermonis effluxu ab ore dicentis emanet oratio. Huius autē gratiosæ facultatis regulas & modos præscripsit nobis primus Empedocles, quos cum Zenò artis author Dialecticæ uidisset, digitos in pugnum contrahens: hic est (inquit) ars mea: eosdemq; statim explicans in palmam: hic uerò illa Oratoria. Quando igitur manui contractæ nihil natura est similius, quàm eadem manus explicata: quando ad res probabiles nihil accedit propius hīs, quæ dicuntur ueri similia: quando quidē istis eloquentia, illis autem constet disputatio, videtur mihi Aristoteles uerissimè dixisse, *Artem Rhetoricam*

PRIMA

ricam facultati Dialecticæ ex altera parte respondere. Tertio itaq; loco benè dicendi scientiam de duabus primis exurgentem numerate, quæ ut omni laudatione, sic certè numero perfectissimo, ternario est digna. Illa enim una omnes humani sermonis partes absoluit, ob eamq; causam, ut cæteræ duæ, Sermocinæ ab alijs, ab alijs uerò triuialis appellatur, opinor, quod in medio triujs uiatores de diuersis locis profecti, tanquam ad commune itineris punctū concurrunt. sic est enim in tribus istis facultatibus, ut Grāmaticus à recta locutione, Dialecticus à uera disputatione, Rhetor ab ubertate dictionis, tanquam de uarijs, nec eisdem ujs, ad unici sermonis culturam conueniant, Nam ille distinctè, iste uerè, hic autem loqui docet copiosè. Nec dissimile sanè

ORATIO

est & illud, quod sicut in triangulo rectè fixo duo semper, sunt veluti bases, ut tertius angulus eleuetur: sic etiam eloquentiæ ars quædam tertia, ex Grammatica & Dialectica asurgens, præ omnibus emineat, illisq; duabus Artibus quibus orta est, tanquam certis fundamentis innitatur: ab una quidem uerborum uarietatem, ab altera accipiens rerum grauitatem. quarum hæc nisi subest, loquax est stultitia, illa si abest, indiserta prudentia. Si quis autem unus unquam esset qui hæc duo simul præstare potuit ut & sapienter diceret, atq; etiam ornatè, fuit ille uir in omni benè constituta ciuitate magnis semper honoribus, & summa affectus dignitate. Nam & apud Romanos M. Ciceronem accepimus, apud Athenienses Demosthenē, uiros utrosq; eloquentissimos

PRIMA.

quentissimos omni famæ! & existimationis gloria floruisse. Quorum hic uir totius Græciæ summum atq; immortale decus & ornamentum, cum in arte sua quid esset potissimum interrogaretur, non sine causa tribuebat & primas, & secundas, & tertias actioni. Est enim actio, quasi corporis quædam eloquētia, cum constet è uoce atq; motu. Vocis uerò mutationes totidem sunt, quot animorum qui uoce maximè commouentur. Itaq; orator utcūq; se affectum uideri, & animum audientis moueri uolet, ita certū vocis admovebit sonum, nempe contenta uoce dicet atrociter, & summissa leniter, & inclinata uidebitur grauis, & inflexa miserabilis. Mira est enim quædam natura vocis, cuius quidem è tribus omnino sonis, inflexo, acuto, graui, magna est & suauis

O R A T I O

suavis uarietas, cuius certè dulcitu-
 do ad aurium uoluptatem sine Mu-
 sices adiumento accedere non po-
 test. Ergo auditores, ad iustā oratio-
 nis enunciationem uidetur necessa-
 ria, diuina illa uis modulandi, quam
 Orpheus & Linus Heroes ambo
 præstantissimi, ambo Dñs geniti
 hominibus ostenderunt. Quorum
 ille magnus Deorum interpres, &
 inclytus poëta, non solum animos
 hominū rationis participes, sed a-
 nimi, sensusq; expertes syluas, &
 saxa, singulari quadam canendi pe-
 ritia loco mouisse dicitur. Vt om-
 nes intelligant oratorem bonum,
 homines pertinacissimos, quiq; ad
 iustitiam lapidibus surdiores, ad hu-
 manitatem ipsiis syluis sunt agresti-
 ores, dicēdo, quò uolet trahere pos-
 se. id quod Herculis illius Gallici
 nobilissima declarat historia, cuius
 ad

PRIMA

ad linguam omnium ciuium aures
 tanquam cathena colligatę ferun-
 tur. adeo semper extitit facundi vi-
 ri iucunda oratio. Quibus ita con-
 stitutis, vt Rhetorica sit, etiam Pla-
 tone descriptore, oratio Musica, cō-
 centu quodam harmoniæ de veris
 rebus loquens: cum Caius quoque
 Gracchus felicioris semper eloquē-
 tiæ, quàm propositi & consilij ado-
 lescens, apud populum concionat⁹,
 seruum post se Musicæ artis peri-
 tum habuerit, qui pronunciationis
 ipsius modos eburnea quadam fi-
 stula occultè formabat: cūc⁹ (vt ait
 Rhemnius Palæmon) Romanis sū-
 mo semper studio fuerit, Musicari
 Latinitatem: constituite, auditores
 loco sequenti, ordine inquam quar-
 to Musicam constituite, cuius Ar-
 tis coelestem vim, & admirandam
 iucunditatem mea non potest dig-
 ne

O R A T I O

nè ornare oratio : sedes ipsa orna-
 bit. Quid est enim quarta sede col-
 locari , nisi maxima quadam affici
 dignitate ? Omitto nunc quatuor,
 vnde hæc vniuersitas cōstructa est,
 elemēta: omitto etiam quatuor qui-
 bus annus in se conuertitur tempo-
 ra: omitto quatuor, quibus animi
 hominum reguntur virtutes : hæc
 vt vulgata omitto. Illud verò nun-
 quam omitto, omnes rationes cōcē-
 tuū q̄ sunt musicę proprij, vt *διὰ τὴν
σάξω*, & similes, numero quaterna-
 rio comprehendī. Quoniamq; mo-
 do trianguli mentionem feci, pati-
 amini me nunc , auditores, familia-
 riter hoc vnum dicere , erit enim
 planius. Qui nucibus ludunt, cum
 tres posuerunt in areæ superficie nu-
 ces, vnam præterea adijcere solent,
 & ex illis figuram instar Pyrami-
 dis efficere. figura, quę in superficie
est

PRIMA.

est triangularis, non vltra ternariū
 progreditur : quod autem adiectū
 est, numero quaternarium , figura
 autem pyramidem procreat : ac iā
 corpus fit solidum. Est igitur solide
 virtutis orator, est vir prudens, est
 fortis, est etiam homo quadratus
 (sic enim viros omnibus numeris
 absolutos vsurpamus) quisquis ad
 sermonis proprietatē, ad rationis
 vim, ad dicendi vbertatem, conum
 quoq; Musicum, hoc autem est, pro
 nunciationis elegantiam adiecerit.
 Nisi fortē numerorum adhuc noti-
 tia deesse uideatur. Nam quodam
 loco Platonem dicere memini, non
 solum ἀρμονία, uerum etiam ῥυθμός
 orationem sequi debere. & certē
 numerus apud oratores iam olim
 increbuit. Etenim quod sub aurium
 mensuram aliquam cadit, etiam si
 abest à uersu (nam id quidem ora-
 tionis

O R A T I O

tionis est uitium) illud omne Cice-
 ro numerū uocat, qui Græcè *ῥηθμολογία*
 dicitur, a quo Ars ipsa numerandi
 Arithmetica nominata est. de cu-
 ius amplitudine, quid primum di-
 cam auditores. An esse eam homi-
 ni propriam. Tametsi hoc aliquid
 est, tamen id habet Arithmetica cū
 multis commune. An uerò omnes
 Artes alias in suis partibus eius uti
 beneficio? hoc quamuis magnum
 est, tamen nescio quo modo singu-
 læ fere facultates id habent, ut se vi-
 cissim adiuuent, & sibi mutua præ-
 stent auxilia. Maius ergo aliquod,
 & de numeratione augustius dicē-
 dum esse videatur. Quicquid igi-
 tur in hoc quem colimus terrarum
 orbe, quicquid in spacioſo cœli am-
 biu, quicquid in tota rerū vniuer-
 sitate cōsistit, mouetur, & est, id om-
 ne numerorum complexu contine-
 tur

PRIMA.

tur. O potentem Artem numero-
rum, & latè diffusam dominationē.
Tuis legibus quęcunque in hac mor-
talitate, & olim viguerunt, & hodiè
florent, & futura sperantur, con-
stitērūt, reguntur, & moderabūtur.
Te mortalis ipse deus sãctam fecit,
dum vnus natura existens, trium
personarum honorari voluit equa-
litate. Sed uideamus, quem nume-
ro locum sibi ipsa elegerit Arith-
metica. Et sanè non sine quodam
misterio, quinta censetur. Nam sa-
cra illa festa Palladis, quę quinquā-
tria, quasi quinquies tria appella-
mus, non obscure nobis commen-
dat. Etenim si ab vno numeri ordi-
ne colligantur ad quinque, efficiēt
plenè quinde cim, id est, quinquies
tria.

Vidistis hætenus, auditores, to-
tius cursus Philosophici mediã par-

C. i.

tem

ORATIO

tem. Nam ille, quem fingimus, eruditionis circulus decem punctis circumscriptus est. de decem autem media sunt quinque, quo sanè numero Artes recensuimus. quarum quæ media est, ea summa & præcipua est. Eloquentiam, Auditores, de quinque primis Artem primam, id est, præcipuam & maximam dico, cui Grāmatica & Dialectice quasi præambulatrices dictionem præparāt, & argumentationem: Musice autē & Arithmetica tanquam pedisseque pronuntiationē subministrāt, & elocutionem. cuius quidem elocutionis tanta vis est, ut, si verborum coniunctio sicuti versus numerosè cadat, si quadret, si perficiatur, tanquam quædam actio, etiam in oratione scripta habeatur. Præclara namque est Aristotelis sententia: Elocutionem, quæ solis verbis fit,

PRIMA.

si quidem rectè sit, id facere, quod
 & pronunciationem. Magnam ita
 q̃ Phœnicibus gratiam debemus,
 Auditores, qui numerorū rationē
 hominibus à natura datam, arte ex
 cellenti sic coluerūt, vt iam non ad
 mercaturas solum (quarum res om-
 nes numero, pondere, & mensura
 constant) verum ad Eloquentiam
 quoq̃ sit vtilissīma. Quæ certè Elo-
 quentia dispersos primū homines
 in agris, & in tectis syluestribus ab-
 ditos, dicendi quadam vi compulit
 vnum in locum, & congregauit.
 & eos in vnamquāq̃ rem inducens
 vtilem atque honestam, primo
 propter insolentiam reclamantes,
 deinde propter rationem atq̃ ora-
 tionem studiosius audientes, ex fe-
 ris & immanibus, mites reddidit ac
 māsuetos. quem hominum congre-
 gatorum coetum, Ciuitatem hodiè

O R A T I O

nos appellamus. In qua, cum Plato
 reipub. optimus institutor tria re-
 quirat necessariò, Victum vt simus
 & viuamus, Habitationem, vt ab
 iniuria ventorum & pluuià defen-
 damur, Vestimenta, quibus nudita-
 tem cooperiamus: tria nata sunt ho-
 minum genera, Agricolaë, Ædifica-
 tores, atque Textores, quorum illi
 agricolando victum quærētes, cū
 non possent omnia simul, neque de-
 berent omnia promiscuè loca ex-
 exercere, constitutos acceperunt sin-
 guli certos agrorum terminos ac fi-
 nes, quos tanquam posita quædam
 signa, quibus proprium ab alieno
 discerneretur, cum Nili inundati-
 ones in illis orbis terrarum locis, a-
 liquando minuendo, aliquando im-
 mutando, nonnunquam etiam pe-
 nitus delendo confudissent: coacti
 sunt Ægyptij nouos agrorum limi-
tes

PRIMA.

tes constituere , iterum atque iterum terram metiri. quæ terre dimensio *μετρησία* Græcè dicitur, & est hodie Ars quædā magna, atque in re-
pub. summè utilis. quam ego vobis, auditores, loco sexto cōmēdo. Quādoquidem is numerus fertilitatis, quam ex agris expectamus, quædam nota est, & maris ac foeminæ (vt ita dicam) naturam obtinet, ex vtriusque constans facultate. Nam in rerū natura impar quasi mas est, par autem foemina. Imparium quidem numerorum principium est ternarius, parium autem binarius: senarius, vtriusque vim habet. Sub unitatem enim illam, quæ ipsius sexta pars est, numerus par & impar cōtinetur. Quæ igitur ars ordines terræ & mensuras præscribit, Terræ inquam foeminæ optimæ, quam poetæ Bonam Deam, quam commu-
C. iij. nem

ORATIO

nem non hominum solum, sed Deorum etiam matrem, quia cuncta ceu mater foueat, appellauerunt: hæc Ars quæ huic Deo, hoc ministerium præbet, primo numero pari, impari quæ mixto censenda est. qui numerus senarius, tum maris, id est, agricolæ qui serit, tum foeminae, hoc est, telluris, quæ semem excipit, vim & diuersam functionem exprimit. Venio nunc ad alterum illud genus hominum, quorum in Repub. ope indigemus. non enim sine urbe & ædificijs ciuitas vlla rectè consistere potest. Architecti igitur turres & moenia, ædes quæ priuatas locis quibusque oportunis construxerunt. neque id certè sine Geometriæ cognitione. sub quam vnâ rerum omnium fabrefactarum & longitudo, & latitudo, vel in altum erectio vel in imum depressio, denique magnitudo

PRIMA.

rudo & crassities subiecta est. Huius Artis hac tanta vi, hi, quos modo eiusdem authores nominaui, nō solum priuatim sibi domicilia, sed superbis etiam Regibus suis Pyramides excelsitatis admirandæ, de quadratis lapidibus extruxerunt, quarum quidem tam alta erant fastigia, quantum oculi humani acies sublime aspiciendo pertingere potuit. Venerunt igitur homines, tum primum propter structuræ nouitatem, tum deinde propter operis elegantiam, sæpe ad contemplandum. Qui eas aspexit die turbulento, is in aëre tanquā nubes infrā volare: qui die serena, is ignem in cacumine, & vniuerso cono: (nam radiorū solis aduersus saxorum læuitatem vehemens percussio eliciebat tanquam fulgorem quēdam igneum, de quo Pyramides sunt nominatæ) si quis

C. iiii.

autem

O R A T I O

autem clara nocte aspexit, is Lunā
 quasi inter turres errātem, videbat.
 Omnes itaque & corporibus iā &
 animis de terra tanquam in superas
 regiones sublatis, cæperunt de rebus
 sub limibus, de aëre, de igne, de lu-
 na loqui, ad quorum sermones cum
 iugis Chaldæorum opera, & dili-
 gentia, quam obseruandis syderib.
 impendebant, accessisset: perfecta
 est Astrologia illa, de stellis diuina
 profectò scientia, & de cuius inuen-
 tione grauis inter Aegyptios, atque
 Chaldeos ab eo tempore fuit cōtro-
 uersia. Sed vt eas Artes tandem ali-
 quando concludamus, quas omnes
 quòd homine libero & honesto sint
 dignæ, Liberales appellamus: disci-
 plinam astrorum libentibus animis
 excipite: Artem actione utilē, cog-
 nitione iucundam ne aspernemini,
 scientiā terra, ad agriculturam, ma-
 ri

PRIMA

ri, ad nauigationē, bello, ad multas
 opportunitates, pace, ad quietā De-
 orum contemplationem conferen-
 te m. Astronomiā inquam, audito-
 res, in vita hominis facultatem præ-
 potentem loco septimo numerate.
 Quis enim locus ei accōmodat ior
 excogitari potest, quā qui eodem
 numero omnes illius Artis partes
 potissimas complectatur. Est Luna
 & Mercurius, est Venus & Sol, est
 Mars & Iuppiter, est etiā antiquus
 pater Saturnus. Sunt Dñ Deæq̃ o-
 nes, sunt singulis discreti ordinibus,
 sunt numero septem Planetę. Inter
 quos, cū homines cogitatione quo-
 dāmodo versarentur, cumq̃ astrorū
 naturam, æquabilemq̃ motum, ra-
 tos etiam cursus illorum, quę inerrā-
 tia, quæq̃ errantia, & vaga dicun-
 tur peruidissent (quorum illa vno
 eodemq̃ motu cietur, hæc contra

C.v.

duplici

ORATIO

duplici conuersione gaudent) cum
 q̄ certas & constantes omnium vi-
 as perspexissent: iste iam oculorum
 aspectus oblectationem & volup-
 tatem propè infinitam in animum
 infudit. qui certè animus spectacu-
 lis continenti serie succedentibus in-
 uitatus (alia enim ex alijs nascuntur)
 insatiabili contemplandi cupidita-
 te inflammatus est: & deinde (vt fi-
 eri solet) curiosè peruestigabat, quæ
 nam esset natura istarum rerum,
 quæ oculis cernuntur: & vtrum or-
 tu carerent, an ortus habuerint prin-
 cipium: quæ etiam motus ratio: quæ
 causæ, quibus singulæ administran-
 tur. Ergo cum octauum illum orbē
 (vt antiquitati placet. nam nos stel-
 larum inerrantium, & fixarum pro-
 prium esse arbitramur) homines vi-
 discent sua vertigine cætera omnia
violentè rapere, ipsum verò, quoni-
am

PRIMA.

am extimus erat, à nullo moueri, in
 eo motus initium esse putauerunt.
 cumq; ex motu omnis rerum ortus
 & interitus sit, latentē quādam vim
 ab illo supremo in inferiores orbes
 transfusā, ab orbib⁹ in medias elemē
 torum regiones descendentem, in
 hæc infima rerum terrestrium cor
 pora cadere, & ista ab illis regi, su
 isq; ordinibus disponi existimaue
 runt. Ex quarum rerum indagatio
 ne genus Philosophiæ natū est, quo
 sanè nihil ad hominum vitam acces
 sit perfectius: quod ex Ionia primus
 Archelaus importauit Athenas:
 quo vno Græci multi ad immorta
 lem nominis gloriam peruenerunt.
 Hæc est, Auditores, ea quam Physi
 cam dicimus, quam de cuiusque rei
 natura disputantem audimus, quam
 vulgus hodie solam vocat Philo
 sophiam, quod tanta sit eius præ
 stantia

ORATIO

stantia , vt illo nomine sola digna
 esse videatur. Quæ quando modo
 quodam admirabili res vniuersas,
 quæ natura consistunt, describat , cū
 totius mundi ab illis cœlestibus
 octo sphaeris circūacti, & disposi-
 ti cognitionem profiteatur, ad simi-
 litudinem octachordi Pythagorici
 concentus certè absolutissimi , loco
 octauo constituatur. Vtinam mihi
 liceret, Auditores, homini dicendo
 ferè exhàusto hinc aliquò expatia-
 ri, vt respirem , vel in hoc saltem
 loco vobis patientibus tantisper
 quiescere, dum me recolligam. Sed
 certos mihi fines terminós que con-
 stitui , extra quos egredi non pos-
 sum, si maximè vellem , & vos me
 meritò vestra existimatione reuo-
 caretis , si extra hos cancellos egre-
 di conarer, quos mihi ipse circum-
 dedi. Accedite eodem satis incom-
 mo

PRIMA.

modè, quòd adhuc in circulo con-
uerſer, cuius cum perpetuus eſt mo-
tus, quam ego à vobis quietè expe-
ctabo. Cogitate igitur cum animis
veſtris, auditores, quomodo rudes
adhuc homines, & beſtiarum more
vitam traducentes collegimus, atq;
ad ciuitatem congregauimus, agros
eis dimenſi ſumus, vrbes eis funda-
uimus, ædificia, & turreſ conſtru-
ximus, cogitate quo modo cœlū ip-
ſū aſcēdimus, inter ſydera verſati ſu-
mus naturas rerū mouentiū inueſti-
gauimus. Deinde quomodo ad me-
dias regiones delapſi ſumus, aërem,
ignem, & nubes vidimus. Demum
quomodo ad terrā rediuiimus. Hęc
inquam vniuerſa cogitate. Cœ-
lum enim & terram, mundum dico
totum peragrauius, & adhuc ali-
quid deeſſe videatur? O immorta-
lem Deum, Quis eſt obſecro ſcien-
di

O R A T I O

di finis, si ille vno mundo contine-
 ri nequit. Restat, Auditores, mūdus
 alius. qui quoniam parvus est, me
 recreat & consolatur, magnāque
 spē facit, fore, ut vos me, sicut haec-
 nus attentē audiuiſtis, sic deinceps
 velitis de altero isto mundo, cuius
 causa primus ille factus est, verba
 facientem diligenter audire. M. T.
 Cicero Socratem vocat ipsum pa-
 rētē Philosophiæ, quòd deserta Phy-
 sica, relictisq; rebus naturæ, & mor-
 talitatis diuinius aliquid & immor-
 tale sapuerit. Socrates enim Ho-
 minem sibi ad contemplandū pro-
 posuit: qui certē Homo ob summā
 ipsius perfectionem μικρόκοσμος qua-
 si parvus aliquis mundus, aut mun-
 di saltem instar habēs, vocatus est.
 Hunc cum Socrates vidisset dua-
 bus partibus, corpore constare, &
 animo, illam tanquam naturalem,
 &

PRIMA

& cum bestijs communem nec, vilius sapientiæ participem, remisit ad Physicos: alteram autem hanc partem Hominis diuinam atque immortalem diligentissimè coluit. Cuius vires quandoquidem in ratione potissimum consistant, (rationi autē cum ira & cupiditate sempiternæ sunt inimiciæ) hinc effectum est, vt in vita hominum diuersæ essent conflictationes, utilis cum honesto, fortis cum timido, iusti cum iniusto, mali cū bono, virtutis cum vitio: quæ quia pertinent ad mores, quos ^{ἠθικά} Græci vocant, nos eam partem Philosophiæ De moribus appellare solemus. Hanc ergo Philosophiam Socrates primus deuocauit è cœlo. & in vrbibus collocauit, & in domos etiā introduxit, & coëgit de vita & moribus, rebusq̃ bonis & malis querere. quam ego
uobis

O R A T I O

vobis Philosophiam Auditores,
 quibus laudibus commēdabo: Qua
 predicatione digne extollā: Nam,
 si illius mōmētis atque prēceptis ve-
 nerari nos Deum, colere parentes,
 patriam amare, amicis bene velle di-
 xero (quanquam hęc magna sint, at-
 que mehercule tanta, vt eis vita ho-
 minis nullo modo carere possit) ta-
 men ad id improbitatis hodiē mul-
 ti deuenerunt, vt ista prorsus con-
 temnant, quibus ego hoc vnum di-
 co, si sine cognitione illius Philoso-
 phię, quę posita est in virtute & mo-
 ribus vitam agere constituent, cer-
 tissimum fore, vt eō tandem perue-
 niant ignorationis, vt ipsi se ipsos
 prorsus nesciāt. Etenim prāceptum
 illud Apollinis, quo monet, vt se
 quisque nōscat, hanc habet vim, nō
 vt membra nostra, aut staturam fi-
 gurāmue nōscamus: sed cum No-
 sce

PRIMA.

te te dicit, hoc dicit, Nosce animū
tuum. Nam corpus quidē quasi uas
est, aut aliquod animi receptaculū.
Ab animo tuo quicquid agitur, id
agitur à te. Hunc ergo nosce debē
mus: quod sine ea arte, quæ illū
docet, nunquam rectē faciemus,
quæ quidem Ars, cum tres ani
mi partes esse dicat, rationem,
iracundiam, & cupiditatem, ad e
asq; tres partes, tres similiter virtu
tes accommodet, prudentiam, for
titudinem, & temperantiam: ex
eisq; tribus virtutibus tria ciuium
genera deducat, magistratus, mi
lites, atq; opifices, à nobis quoque,
auditores, ter trium numero orne
tur, & loco nono habeatur. Venio
nunc ad illam sciendi facultatem,
cuius homines excellentiam admi
rantur, & stupent. Ad Artem dico
μῆτις καὶ φροσύνη., & supra vires natu-

O R A T I O

ræpositam venio, quam nobis Pla-
 to (quem diuinum omnes, Cicero
 autem ipsum Deum vocat) scri-
 pto elegantissimè commendauit.
 Fuit hic, quē dico, Plato, Socratis au-
 ditor, à quo cum omnes animi hu-
 mani potestates didicisset, & obser-
 uasset eā vim habere mentē in ani-
 mo, quam Vim haberet oculus in
 corpore (sciret autem oculorum sē-
 sum, cæteris sensibus antecellere) ad
 præstantissimam animi partem se
 conuertit, in mentis inquam cotem-
 plationē totus incubuit. Qua in re,
 sic animus eius à corpore in supera
 alta sublatus est; vt nihil iam nisi de
 rebus vniuersis, de sola ueritate, de
 puris intelligentiis, de spiritibus, de
 angelis, de Deo cogitaret. O sapi-
 entiam magnam, scientiam uerò so-
 lam, quæ sic animos hominū à ter-
 restrium rerum cogitatione centē-
 plationis

PRIMA.

plationis quadam iucunditate attol-
lit in cœlum, ut mortis esse medita-
tio recte definiatur. Quis est enim
magni uir animi, & excelsi, qui in
hac misera, in hac calamitosa, in hac
mortali uita sibi diutius manendū
esse velit, si animo semel à corpore
dissoluto statim sit beata illa quicte,
& sempiterna spirituū felicitate fru-
iturus. Puto me, auditores, mea
(qualiscunque ea fuit) oratione hoc
effecisse hactenus, ut iam intelliga-
tis, omnē scientiam à Deo primum
ad homines dimanasse, & ab homi-
nibus iterum ad Deum esse relatā.
qui cursus quandoquidem circuitui
similis est, ut in eo quidque desinat,
à quo principium ortus acceperit,
literarum quoque circulum, quem
ἐνκυκλοπαίδεια vocant, puto me satis
ostendisse. Nam μετὰ τὴν φρονικὴν lo

O R A T I O

co decimo pono. qui numerus, ut
 ōnes alios, sic hæc ars cæteras om-
 nes suo ambitu concludit. Si quis e-
 nim à decem progrediatur, ille vnū
 & decem, du o decem, & ita dein-
 cept numerabit, adeo mihi natura
 liquodam modo numeri videntur
 tanquam in gyrum sponte concur-
 rere. Nec dissimilis planè est in ar-
 tibus obseruatio. Sermone enim
 Ratio, rationem Eloquentia, elo-
 quentiam, Prouuntiatio, pronunti-
 ationem, numerositas commēdat.
 terre dimensionem, Astrorum gra-
 dus, & climata iuuāt. Ab astris in re-
 rum naturas, & hominum corpo-
 ra vis quēdam influit. At cum cor-
 poribus, animorum quanta est cō-
 iunctio? Animis verò cum mente
 & Deo quanta cognatio? Deum au-
 tem (ut ait elegans poëta Aratus),
nemo tacendo præterit. De quo
tamen

PRIMA.

tamen stultè loqui, summum est
nephas, quem non omni laude præ
dicare, magnum sacrilegium. Ita vi
detis, auditores, artes ipsas in seip
sas flexu quodam iucundissimo re
currere, qui certè flexus perpetuò
circumductus, formā circuli & per
fectam naturam complet, qua vna
figura, quid est obsecro pulchrius,
quæ sola omnes alias figuras com
plexa continet, quæcūq; nihil asperita
tis habere, nihil offensionis potest,
nihil incisum angulis, nihil anfra
ctibus, nihil eminens, nihil lacuno
sum. Quod igitur solum restat, au
ditores, cum sit Philosophia studi
um sapientiæ, omnes autem sapere
cupimus, cum sint eius partes decem
more cuiusdam circuli compræhen
sæ, cum earum singularum inuen
tores vel uiri doctissimi, aut maxi
mi heroës, vel denique dñi ipsi fue

D.ij.

runt

ORATIO

rint, in hoc cruditionis cursu vos ex-
ercete, in hoc literarum & Philoso-
phię circulo tamdiu conuersemi-
donec ex eo poteritis ad facultates
publicas accedere . Sunt enim in
Rebuspub. iam constitutis tria ma-
ximè necessaria . Ad communes
negotiorum actiones Sanitas, ad of-
ficiorum & magistratuum func-
tiones Aequitas & Iustitia, ad omnes
in suis ordinibus rectè continendos
Religio . Sanitatem conseruat Me-
dicina . Iustitiam ructur Prudentia
Iuris & legum . Religionem de-
fendit Sacra Theologia . quarum
quidem facultatum illa de natura,
ista ex moribus, tertia ab ijs quæ su-
pra naturam constituuntur , pro-
fecta est . Ita ferè sunt tanquam tres
communium studiorum fines præ-
scripti , ad quos sine Artium &
Philosophiæ cognitione neminem
pertin-

PRIMA.

, pertingere , nec vlla studia cum
dignitate in repub. tractare posse,
quælo mecum existimate.

Dixi.

D.iii.

Richardus Whitus, Christophoro

Ionsono Ludimagistro Wincaniensi

amico suo, S. D. P.



ta nihil abs te, Christophore Ion-
son, lizerarum accepi ex eo tempo-
pore, quo in Italiam primum ue-
ni, quasi si mutatio loci nostram
quoque scribendi consuetudinem
mutaret. Certè si tibi persuaderes, quàm iucunda mi-
hi tua scripta semper extiterunt, non paterere me
eor mensibus illis caruisse. maxime cùm mihi polli-
citus sis, nescio quid abs te arte cultum, & ingenio
elaboratum mittere, quod ego iam plus quàm annũ
& sex menses expectavi. Utinam uerò aliquando co-
gitares fidem tuam in eo liberare. Id quod ut faci-
lius facere possis, ego tibi hic orationem, quam supe-
riore anno prid. Kal. Martias Louany habui, tran-
scriptam à librarijs mitto. Est autem, ut uidere po-
geris, De laudibus Ciceronis & eloquentia. Quod
argumentum propterea accepi, quia Senatus Loua-
niensis cogitabat eloquentia professionem institue-
re. Ad quam Scotus quidam ita ambitiosè adspira-
bat, ut cùm eloquentiam laudare debuit, potiùs se
suasq; peregrinationes, Populumq; Louaniensem
præter omnem modum ac rationem laudauerit. Cuius
rei indignitate cōmōtus ego sum, non quo illam
causam ceteris melius orare posse, sed quòd à tepaucos
dies alterā orationē περὶ τῆς ἐνκυκλοπαιδείας
habuerim. & iam experire uolui, quid de Rhetori-

EPISTOLA.

ea seorsim dici potuit. In quo si non id quod oportebat, tam cumulatè, ornatèq; feci, tamen facere conatus sum. Neq; dubito tibi ueteri, & singulari amico meo illas conatus communicare, quos adhibita fortassis acriori diligentia politiones efficere potuissem. Spero enim pro amicitia nostra eo animo te illos accepturum, quo à me profecti sunt. Quod si feceris amice, beneuolèq; feceris. Vale, & quicquid id fuit, quod mihi post Terea tuum, te missurum pollicitus es, prae stare, quaeso, festina. Iterum uale, & me ama.
 Patavij, xxiii, Maij, M. D. L. XV.

CHRISTOPHORVS

Ionsonus, Richardo Whito

amico suo, S.

MEam in scribendo negligētiam, etsi maximē
possem, tamen nō excuso. Atq, utinam tu per
inde errorem agnosceres tuum, qui amicitiam, quæ
inter nos arctissima est, non ad morum (quibus co-
aluit primam & hætenus continetur) sed ad omni-
um rerum similitudinem reducendam putas, eaque,
quæ in te summa sunt, ingenium & eloquentiam,
in me non minora esse existimas oportere, ideoq, po-
stulas, ut post Terea, aliquid, quod sit elaboratius ac-
que cultius, emit tam. Vrges etiam, & me pollicitum
scribis: simulq, ut faciam, inuitas exemplo tuo. Qui-
bus rebus breuiter ita respondeo, ut postulationem
tuam non probem, assertionem negem, exemplo non
commouear. Postulationem quidem, quoniam ini-
quū est id te petere, quod à me, hoc ingenio & hac
exercitatione, præstari nūquam potest. Assertionem
uerò, quoniam si id, quod tu affirmas, uel innuissem
modo, de curatore potius, quam de fide leberanda cogi-
tandum existimarem. Exemplo tuo, quòdeam com-
parationem mihi facere uisus es, quæ certè iniquis-
sima est. Neq, enim aut illo ingenio ocioq, sum, ut
emendatius quicquam scribere me posse sperem, aut
ea insania, ut polliceri uelim, aut ea confidentia, ut
tecum, præterquam in amore, contendendum mihi
putem. Itaq, tu quidem, ut facis, illa limatiora, quæ
à me efflagitas, ac retractatiora dabis, & quæ sunt
vitales

EPISTOLAE

vitales ingenij tui fetus, scribendo experieris: ego,
 quem in hoc docendi carcere fortuna inclusit mea,
 quid de me polliceri debeam, non uideo, nisi fortè il-
 lud uis, ut instar coris, quæ ipsa secare non potest, a-
 liorum ingenia acuiam: quod & pro mea parte faci-
 am, & si diligenter accurateq; fecero, satis me stre-
 nuam operam reipublicæ literariæ, ut nihil aliud ac-
 cedat, nauasse existimabo. Benè uale, Wintonia,
 Calendis Septem. 1564.

*De laudibus Ciceronis & Eloquē-
tiæ, Oratio.*



Extra singularis huma-
nitas, quam in omnium
artium & Philosophiæ
circuli descriptione nu-
per expertus sū, & meus ad eloquēti-
am propensus semper animus, me co-
egerunt, auditores, iterum in con-
spectum vestrum mihi multo iucun-
dissimum, & in hūc etiam locum ad
dicendum amplissimum, atque orna-
tissimum uenire, vt, quam artem de
septem liberalibus præcipuam, &
maximam nisi fallor, dixerim, & lau-
darim, illam vobis eloquentiam, nō
iam circuitu aliquo literario circun-
ductam, quasique coactam subito
sermonis cursu de conspectu uestro
decedere, sed liberalē planē atque so-
lutā, sed tāquā in aperto cāpo consti-
tutam,

S E C V N D A.

tutam, & in totius Academiae lucē
 atque splendore versantem, mea o-
 ratione commendarem : vt vos
 eam qualis ipsa sit, & quā pulcher-
 rimis ornamentis illustrata, vultu
 obtento, & continuis oculis intuea-
 mini. Eloquentiam enim semper ex-
 istimaui artem esse tam ornatā, tam
 speciosam, & tā delectabilē, vt si cu-
 ius hominis paulo durioris (ne quid
 dicam grauius) aures, vocis dulcedi-
 ne nihil deliniret, vel aliquando
 segnius afficeret : eius tamen homi-
 nis oculos, iucundissima sua specie,
 & summa pulchritudine etiam inui-
 tissimi, in se conuerteret. Neque eā
 vnquam putaui tam ieiunam esse, aut
 sterilem, vt si quis vnam, & alteram
 in eius laudibus referendis orationē
 habuisset, omnis propterea dicendi
 materies consumpta videretur, aut
 nihil inuenire posse, quod dicatur
 amplius.

ORATIO

amplius. Maior est enim quedam atque
 que illustrior dignitas eloquentiae,
 quam ut eius laudes amplissimas ul-
 lius ingenij vis, scribendi copia, dicē-
 di facultas, non dicā exornare, sed e-
 narrare possit. Et me hercule perini-
 quū foret atque absurdum, omnis co-
 piaē artem & magistrā in tantas
 angustias, atque inopiam cogere, ut
 de se dicturo, ipsa non possit, nisi se-
 mel saltem, aut iterum, laudationis
 argumenta offerre, quae ferē semper
 ceteras res laudare consuevit. Quan-
 quam igitur de eloquentiae laudibus
 eleganter, ornatē, & splendidē mul-
 ti viri docti saepē ante me dixerunt,
 & ego etiam ipse in eadem causa nu-
 per ita versatus sum, non quidem ut
 volui copiosē, sed certē ut tum potui,
 per raptam circuli conuersionem,
 multa breuiter tetigi potius quam ex-
 planavi: tamen in hoc tempore quid
 de

S E C V N D A

de hac ipsa re dici posset accuratius, experiundum esse iudicaui: quandoquidem & vestras hodie video, & omnium ferè hominū in eloquentiā promptissimas esse voluntates, quorum ego voluntatibus studijsq; laudatissimis, & me, & mea omnia libenter cōmendo, vos diligenter obsecrās, & obtestans seriò, vt qua mēte & quibus cogitationibus hæc à me suscepta causa sit, cōsyderetis: vt mea oratio ab animo vobis beneuolentissimo profecta, pari humanitate, & simili studio excipiatur. Nam quo magis diffidebam, auditores, aliquā me imaginem Eloquentiæ mea oratione adumbratam atque formatam ad vos adducere potuisse, homo certè ab eloquentia remotissimus: eo diligentius aduocaui mihi in auxilium illum virū, qui post homines natos, solus Eloquentiam Romanam optime

mē

O R A T I O

me ornauit. M. inquam Ciceronem
 eloquentiæ non exornatorẽ modo,
 sed parentem etiam, atque educato-
 rem, mihi in subsidium vocauit: vt
 nouo quodam more eloquentiam
 cum Cicerone conferrem, & tanquã
 filiam ad patrem referrem. Ita enim
 maximè, quomodo mihi persuadeo
 vtriusq; & dignitas & splendor ap-
 parebit. Nam illud quidem homi-
 num generi propè natura datũ esse
 videmus, nescio sanè quo occulto &
 hominibus ignoto modo, ut in vul-
 tu filij, patris cognoscatur effigies,
 & ex paterno aspectu, filius agnosca-
 tur. Quod ergo in arte pingẽdi viri
 peritissimi semper fecerunt, vt illi
 rei demonstrandæ, quæ inanima es-
 set, & vitæ corporisq; expers, aliquã
 personam inducerent, vt res sic effor-
 mata deinde posset in tabula como-
 dè depingi: idem mihi in hoc tem-
 pore

S E C V N D A

pore faciendum esse video: vt eloquentiam descripturus, aliquam illius formam, aut tanquam personam effingere debeam, quæ certè forma, & effigies qualis demum futura sit, (quoniam hic ego iam rem definiā) paucis mecum quæso cognoscite. Si qua sit igitur fœmina nobilis, potēs & gratiosa, cuius animus publicæ sepe per trāquillitatis est studiosus, si qua illustris, & fœmina primaria ciuitatis, cuius omnes cogitationes in hominum vtilitatibus occupantur, si qua mulier ingeniosa, fortis & constās, cuius mores honestissimi, & vita summè laudata est, si qua non nupta mulier, domum suam patefecerit omnium necessitati, palamq; sese in eorum qui consuluntur, vita collocarit, virorum alienissimorum causas agere instituerit, si hoc in vrbe, si in castris, si in forensi illa celebritate fa-

E. i. ciet:

ORATIO

ciet, si denique ita se geret non incessu solum, sed ornatu atque comitatu, non aspectu oculorum, non libertate sermonis, sed etiam comitate, māsuetudine, vrbani-
tate, gratia, & omni genere officiorū, vt non solū ad hominum cōmoditates facta, sed ad animos ciuium regendos nata, esse videatur, si non sit difficilis, non morosa, non dura, non crudelis, non torua, sed frōte hilari & amœna, oculis firmis, neque vagantibus, vultu modesto & graui, labris decenter apertis, ore rotundo, nec hiantē rictu, si lingua suauis, voce dulci, spiritu molli & eleganti, neque horrido, neque aspero, si nulla capitis vel in hanc vel in illam partem inepta iactatio, si humerorum equalis erectio, si depressio, si decor brachiorum collocatio, manuum nulla ridenda projectio, si totus denique corporis habitus

S E C V N D A.

tus atq; gestus, non alienus, Diony-
siae saltatriculae similis sit: sed mode-
ratus & decens, si sermo summa cum
prudētia coniūctus, neq; vociferatio
nibus insanis, aut impudenti audaci-
a efferatur, neque contra muto silen-
tio, aut nimia timiditate supprima-
tur, sed qui in maxima hominum co-
rona, atque adeò totius ciuitatis luce
ac splendore mentes audientium de-
tinere, tumultus reprimere, secessio-
nes populi reuocare, pacem & con-
cordiam persuadere, & iterum ad ar-
ma (si est opus) incitare, quocunque
denique volet homines trahere pos-
sit, si qua, inquam mulier sit eiusmodi,
qualem ego haecenus descripsi, il-
lam certè mulierem, quæ ingenio ef-
set tali, atque istis moribus prædita,
quæq; tanta voluptate dicendi, tan-
ta laude, tanta gratia, tanto honore
ante celleret, illam ego mulierem e-

E. r.

lo quen

O R A T I O

quentiam profectò , nominandam
 esse censeo cuius quidem formam &
 speciem nostris oculis hodie sub-
 iectam, & animis occurrentem, nisi
 obuijs vlnis, sinu aperto & nudo, ni-
 si mētis complexu, & cordis oscula-
 tione libenter exceperimus , ô nos
 infelices, qui aspernamur oculis tam
 beatam eloquentiæ pulchritudinē,
 ô infortunatos & imprudentes , qui
 nos nostris bonis tam præclaris, ipsi
 priuamus, ô iterum atque etiam ite-
 rum homines miserrimos (si tamen
 homines dicendi sumus) qui ipsius
 humanitatis iura ignoramus. Quæ-
 ro enim à vobis, auditores , & per
 deum immortalem rogo atque ob-
 testor quæ est ista tandem de qua to-
 ties, & tam multum gloriamur, hu-
 manitas? An ab illa parte profecta
 est, quæ nobis cum bestijs commu-
 nis est: an verò ab ea, quæ cum Deo
coniuncta am

PRIMA.

coniunctā cagnatāque habemus.
 Si illam dicitis, ō nos, non iam amplius homines vocandos, sed bruta animalia. Sin autem hanc mihi respōdebitis, agnosco equidem lubēs, & amplector rationis prærogatiuā: quam nobis Deus, ille princeps, parens rerum, & mūdi fabricator, præcipuam dedit, cuiusq; nos socios esse cum dijs immortalibus voluit. Sed hæc ipsa certè ratio neque tam vos iuuaret, neque tam esset in nobis manifesta, nisi quæ concepissemus mente, promere etiam loquendo possemus, quod magis deesse cæteris animalibus, quam intellectum & cogitationem quandam videmus. Nam & aues moliri cubilia, & nidos texere, & educare foetus suos, & excludere alienos possunt, vt de formicis interim taceam, quæ in æstatis calore ex antris in apricum prodeunt, mutant

E. iij. tant

O R A T I O

tant si commodū videbitur, domos
 suas & quasi suppellectilem, ita mul-
 ta vehunt, & reuehunt, totos dies se
 laboribus exercent, donec tandem
 ingrauescente frigore, tanquam ad
 nundinas proficiscantur, vt commu-
 ni quadam diligentia reportent, in
 hyemem conseruanda alimēta. No-
 lo hic apes commemorare, quomo-
 do illæ vni principi obediāt, vnum
 sequantur, ad vnus vocem, tāquam
 ad Imperatoris mandatum ē castel-
 lis suis euolēt, non quomodo in hor-
 tos veniant, flores omnes sugant, &
 dulcedinem ex ijs miro cum delectu
 exhauriant, neque deinde quomodo
 succo onustæ redeant, onera in alue-
 is deponāt, vt fauum & mel efficiāt,
 duas res suauissimas, nec in ipsarum
 modo, sed in nostra etiā repub. sum-
 mē vtilēs & necessarias. Hæc & e-
 iuscemodi infinita multa commemo-
 rare

S E C V N D A.

rare nolo, quæ vniuersa non nullius
 fortasse rationis esse videantur. Sed
 hoc dico, auditores, animalia, quæ
 hæc faciunt, quòd sermone solū ca-
 reāt, propterea à nobis muta & rati-
 onis expertia vocari. Quare si nihil
 nos à dijs immortalibus oratione
 melius accepimus, si nullo magis ho-
 minem deus separauit à cæteris ani-
 malibus, quàm dicēdi facultate, si de-
 nique ipsa hominum, quæ vocatur
 humanitas, à ratione profecta est (ra-
 tio autem sola oratione exprimitur
 & ornatur) quid tam dignū esse cul-
 tu ac labore iudicabimus, aut in quo
 malimus præstare hominibus, quàm
 quo ipsi homines cæteris animanti-
 bus præstent. Idò eo quidem magis
 quòd nulla parte plenius, labor no-
 ster gratiam referet. Nam vt omittā,
 defendere amicos, regere consilijs
 senatum, populum & exercitum, in

E. iij.

quæ

O R A T I O

quæ vult dicere, quàm sit hoc vtile,
 conueniâtque uiro bono : nonne id
 vnum, & pulchrum & expetendum
 est, ex communi intellectu, verbisq;
 quibus vtuntur omnes, tantum asse-
 qui laudis & glorię, vt non loqui, &
 orare voce hominis, sed (quod Peri-
 cli contigit) more Iouis max. fulgu-
 rare ac tonare videaris. Iam si me in-
 terrogetis fortè hoc loco, quid ego
 inter eruditam & popularem ora-
 tionem interesse putem : dicā planè
 quod sentio, & liberè dicam, audito-
 res. Quantum à dulci philomele cā-
 tico, inepta picarum dissonat garru-
 litas, tantum à viri eloquentis vber-
 tate, hominis vulgaris distat indigē-
 tia. Neque mihi hic tanquā durè atq;
 (vt aliquib⁹ videri fortasse possim)
 inurbanè respondentī, quispiam e-
 loquentię vituperator obiiciat, mul-
 tos sæpe inueniri, viros quidem ho-
 nestos

S E C V N D A.

nestos & probos, atque aliquando
 pōtentissimos ciuitatis, qui neq; co-
 piosè, neque splendide vnquā dice-
 re potuerunt. Nam ego tales semper
 iudicaui ciues esse bonos, & aliquā-
 do non malos etiam Magistratus.
 At sapientiam habuerūt. Habuerint
 sanè maximam. Si tamen eam dicen-
 do expromere non potuerunt, vidē-
 tur mihi eodem planè modo sapien-
 tes in Rep. viri, quomodo homines
 cupidos & auaros, diuites esse dici-
 mus. Nam si quis mecum disputaret,
 eum esse diuitem, qui pecunias habe-
 at, parcum autē & auarum pecuniæ
 copiam habere : illi ego homini (id
 quod in simili causa aliquando Se-
 neca fecit) responderem, auaro tam
 deesse quod habet, quàm quod non
 habet. Etenim si illud est verū quod
 vt Apollophanes dicere solebat, ita
 summa nititur veritate : vsum opes

E.v.

facere:

ORATIO

facere: profectò homo parcus & tenax, qui aurum terra defossum, & argentum in arca conclusum habet, quãdoquidem ad uitæ necessitatem neutro ipse vtitur, opes nullas habet. Quis enim æquus rerum æstimator opes appellet eas, quæ laboranti domino opem nullam ferre possunt: aut quis diuitē opū vocet eū, qui in summa rerum omniū viuit inopia? Sic itaque existimate, auditores. Si hoc totū de quo agitur, nō ex opinione hominum, sed pro rei veritate cōsiderare volumus: dicemus profectò in sermonis egestate sapientem esse neminem, præsertim cum non huius solum generis, sed cuiuscunque disciplinæ atque eruditionis expertes homines, Aristoteles solitus sit vel mortuis comparare, vel infra mortuos amandare. Quod si ita est: qui certè, sapiens verè est, idem & copiosè loquitur

S E C V N D A

quitur & ornatè, artèmq̃ue illam dicendo exprimit, quam Cicero copiosè loquētem sapientiam idcirco nominauit, vt omnes intelligerēt facultatem benè dicendi virtutem esse: cum nulla sit sapientia nisi cum virtute cōiuncta, cuius quidem virtutis quandoquidem proprium est, eum in quo inest meliorem efficere, hinc euenit, ut orator debeat esse vir bonus. Quibus ita constitutis, vt eloquentia sit, & sapientia, & virtus, & rerum optimarum, verborūmq̃ affluens: si nihil esset aliud, auditores, quare debeat amari atque coli, tamē ob has solas res expetenda esset atq̃ diligenda. Sed si multa sunt eius ornamenta præclarissima, quorum nos aliquam partem recensuimus, si adhuc locum in repub. habet amplissimum, vt ciues in officio possit, non magis ferro quam voce, non vi quā verbo

O R A T I O

verbo continere: si ego illam omni
 laude prædicauero, si vsque ad cælum
 extulero, si eam animorum hominū,
 atque cogitationū dominam, si Re-
 rumpub. & principū reginam esse
 dixero, certè non mentiar. Quam
 artem præstantissimam, quomodo
 M. Tullius ad urbem Romam, cæte-
 rarum omnium florentissimam, ad-
 duxerit, quoniam de Cicerone fuit
 alter locus orationis meæ, quæso di-
 ligenter attendite. Ita enim de Cice-
 rone dicam, vt vobis eloquentiam
 semper commēdem. Natus ergo. M.
 Tullius Cicero ingenio tali, quale in-
 genium fingit Plato artium liberali-
 um capacissimum, ad nullum literarū
 genus ineptus, ad poëticā certè prō-
 ptior fluxit: quo magis quorundam
 hominum demirari soleo ignoran-
 tiam, qui quasi carmen, Musis, & A-
 polline nullo fecisset, ita Ciceronem
 poëseos

S E C V N D A:

poëseos imperitum fuisse dicunt:
 cum tamen ille, adhuc puer, Ponti-
 um Glaucum, opus quidem paruum,
 sed elegans & politum, tetrametro
 versu conscripserit, & procedente
 deinde ætate adeò fuerit in hac arte
 ornatus, vt non solū orator, sed Ro-
 manorum omnium poëta optimus
 iudicatus sit. Verum cum in dicen-
 di præceptis, & eloquentiæ copia
 eius institutio potissimum illuxisset:
 Philonem Academicum ob ipsius e-
 ruditionem egregiam, & humanita-
 tem iucundissimam conueniebat, ac
 ordinis etiam senatorij populares &
 optimates, eos inquam viros, qui con-
 suetudine Mutij fruebantur, à quibus
 institutis suæ ciuitatis, vrbisq; legibus
 instructus est. Hic mihi illud, audito-
 res, quæso consyderate, M. Ciceronē
 ad præcepta rhetorum, cum primis
 iuris & legum scientiam adiunxisse,
 quam

O R A T I O

quam non solum à Q. Mutio Augure Sceuola, ad quem à patre ita erat deductus sumpta virili toga, vt ab eius latere nūquam discederet, sed Augure mortuo, à pontifice etiam Scæuola, eiusq; amicis perdidicisset. Temporibus Syllæ perturbatissimis, cum animaduerneret ciuium tantas esse seditiones, vt ex eis Respub. in odiosā monarchiam ruitura videretur, sibi quosdam uiros Græcos priuatim adhibuit, vt in quieto literarū ocio cum illis studia conferret. Attendite rogo diligenter, auditores, vt hanc primā cum Græcis consuetudinem memoriæ mandetis. Etenim rem facilius totam accipietis, si hoc meminertis, & quare Cicero parens eloquentiæ vocetur, & quomodo hæc ab illo ars orta profectaq; sit, intelligetis. Cum iam Sylla, de bello Marfico victor esset, & eius libidini

tota

S E C V N D A

tota vrbs exponeretur, Chryfagon⁹ libertus, sub ipsius hafta bona cuiusdam, qui ex proſcriptione cæſus uidebatur, duobus millibus drachmarum emebat: quod cum Roſcius filius, & defuncti hæres grauiter ferret, & ducentorum & quinquaginta talentorum eadem eſſe probaſſet: Sylla hac quaſi reprehensione vehementer cōmotus, ſubornato accusatore Chryſogono, parricidij Roſcium poſtulauit. Nemo hic Roſcio adfuit, nemo conſuluit, nemo, qui defenderet, inuētus eſt. Omnes fugiebāt, omnes auerſabātur, omnes Syllæ odiū timebant. Nudus ergo patrocini Roſcius, & amicorū auxilio deſtitutus, quid obſecro fecit? An animum abiecit? An de ſalute ſua deſperauit? An indiſta cauſa victum ſe condemnatumq; iudicauit? Nihil horū. Quid ergo enim? Sextus Roſcius ſummę vir probitatis & vi-

O R A T I O

te integerrime, cū sibi tāti sceleris cō-
scius nunquam esset, ad innocentiae
defensorem, ad honestatis virtutisq̃
propugnatorem, ad M. inquam Ci-
ceronem, adhuc adolescentem, confu-
git. Mirum est, virum florentis ciui-
tatis honestissimum, & amicorum
copia semper munitum, nunc in hac
temporum necessitate, qui se tueretur
inuenire potuisse neminem: vt coge-
retur in manus adolescētis, se, vitam,
fortunaq̃ omnes suas committere.
Quem quidem etate solum adolescē-
tem Ciceronem, hortabantur amici,
& beneuoli omnes ad hanc causam
suscipiendam. Dixerunt, nihil aptius,
nihilq̃ commodius, ad primum no-
minis sui splendorem inueniri posse.
Vehemens me herculè apud adoles-
centem, fame suæ & existimationis
studiosum, persuasio. Suscepto itaque
Rosci patrocinio, victorian cū sum-
ma

S E C V N D A

malaude cōsecutus est. M. (inquā)
 Cicero ex Sylle superbè dominan-
 tis, faucibus ereptū, Sextum Rosci-
 um, pristinę honestati famęq; resti-
 tuit. At qua tandem vi? Quibus obse-
 cro armis? Dicam profectò, audito-
 res. Quem in campo Marte vario
 diu pugnantem, nullę hostium mi-
 nę, nulla exercitus arma, nulla viro-
 rum fortissimorum manus vincere
 potuit: hunc in vrbe iam regnātem,
 liberè, quos vellet, proscribentem, v-
 nius adolescentis ornata oratio, vis
 verborum, & sola lingua flexit, fre-
 git, & debellauit. O potētem vocem
 oratoris. M. autem Ciceronis laudē
 sempiternam, qui talem de se expe-
 ctationē in animis hominum susci-
 tauit, & tam pręclara nobis docu-
 menta prima dedit, neque vllō vi-
 quam tempore istis aut minora fe-
 cit, aut obscuriora. Nā si aliqua glo-

ORATIO

ria paritur, & gratia defensionibus:
M. Cicero in causis, iudicijsq; publi-
cis ita versatus est, vt defēderit mul-
tos, læserit neminem. Si maior glo-
ria comparatur & gratia, quando id
accidit, vt ei subueniatur, qui poten-
tis alicuius opibus circumueniri, vr-
geriq; videtur: M. Cicero & sæpè
alias, & adolescēs, virum simplicem,
parcum & bonum, multis vitæ or-
namentis præditum P. Quintiū an-
nos sexaginta natum, cōtra Sex. Ne-
uī hominis fraudulentī, potentis, im-
probi, & maliciosi calumniā: & Sex.
Roscium virum (vt ante dixi) hone-
stissimū ciuitatis contra L. Syllē do-
minantis opes defendit. Sed si maxi-
ma gratia conciliatur & gloria, cum
quis ornatissima in repub. dignita-
te, magistratu, atque consulatu per-
functus, ita se in summa honorū am-
plitudine gesserit, vt omnium ciuiū
animos,

S E C V N D A.

animos, fauore atque beneuolentiā
 sibi coniunxerit, selesq; pro patriæ
 conseruatione, capitis fortunarumq;
 periculis obiecerit: M. Cicero tan-
 tam hinc laudem meruit, vt omniū
 primus Pater patriæ sit appellatus.
 Si quis ergo reos defendēdo, miseris
 subueniendo, & publica dignitate
 præclarè fungēdo, gloriam adeptus
 & gratiam consecutus vnquam est:
 ô nostri Ciceronis nomen, apud ô-
 nes eternitates, & summè gloriosum
 & gratiosum maximè. Cuius tamē
 lumen fortunę iniquitas (quę rebus
 optimis semper inuidet) in primis
 istis splendoris initijs, prorsus extin-
 guere conata est. Nouum enim faci-
 nus, auditores, & indignum, quæ-
 so cognoscite. Lucius Sylla qui iam
 causa ceciderat, non tã Roscio, quod
 au ctionem reprehendisset, quam Ci-
 ceroni, quod Roscium defendisset:

F.ij.

subito

O R A T I O

subito factus est hostis infestissim⁹.
 Illum igitur de medio sublatum esse
 voluit, ad eamque rem suas cogitati-
 ones conuertit. Id cū Cicero intel-
 ligeret (quod viri prudētissimi sem-
 per fecerunt, vt iræ principis, non
 aliter quàm leonis insanientis furo-
 ri cederent, seseque in meliora rei-
 pub. tempora conseruarent) urbem
 reliquit, & in Græciā profectus est.
 Athenas vt attigit, facilitate simul,
 & mira linguæ suauitate Antiochi
 Ascalonitæ allectus, eius auditor fu-
 it. Recognoscite mecum, auditores,
 alteram hanc M. Tullij cū Græcis, nō
 in Roma consuetudinē, sed in ipsa
 Græcia, totam & plenam viuendi
 conuersandiq; rationem, idq; Athe-
 nis, vrbe omnium literarum floren-
 tissima, & ipsius Mineruæ sacra se-
 de, quæ ad Romanos rerum domi-
 nos, totiusq; orbis terrarum, popu-
 lum

S E C V N D A.

lum principem, & regem, non solū artes iuuentutis & mathemata, sed vniuersam etiam phylosophiam, & leges sacratissimas transmisit: tamen ne aliquis inuentus vnquam est, qui Græcos non laudet, non amet, non omni prædicatione dignè extollat. Dum hæc aguntur, & iam Cicero multum ac diu honestissima studiorum contētione se exercuisset: mors Syllæ subito nunciata est. Gratum profecto nuncium, non tantum Ciceroni, qui iam constituerat, si omnino à publicis negocijs excluderetur, aut eijceretur aliquando, huc ex vrbe, ac foro se transferre, & Athenis inquieto phylosophiæ otio viuere: sed ô nuntiū ciuitati Romanæ multo gratissimum. Quid enim Sylla aliud fuit, quàm dominator in re-pub. importunus, & proscriptor iniustissimus. Misse sunt hoc tempore

O R A T I O

ex vrbe ad Ciceronem beneuolorū
 suorum litteræ, quæ ipsum hortabā-
 tur, vti rediret. & se ad incunda rei-
 pub. negocia excitaret. Ad has acces-
 sit Antiochi præceptoris eloquen-
 tiæ, ferè idem & simile consilium, v-
 na tantum re dissimile : quòd vt Ci-
 cero statim Romam reuerteretur,
 hoc nullo modo Antiochus volue-
 rit: sed vt antè artes oratorias iterū
 perpoliret tãquam aliquod instru-
 mentum, quo potentiam Reipub. a-
 gitaret, & se quàm optimè in digni-
 tate gereret, id verò maximè sit co-
 hortatus. Tãtis per ergo (priusquam
 se referret domum) M. Cicero nauig-
 auit, vt primum in Asia clarorum
 oratorum Xenoclis Adramyteni,
 Dionysij Magnesi, & Menippi Ca-
 rii consuetudine vsus sit : deinde in
 insula Rhodo ad Apollonium Mo-
 lonis clarissimum oratorem, & Po-
 sidonium

S E C V N D A.

sidonium illustrem phylosophum
se contulerit. Hic quem dico Apol-
lonius cum Latinæ linguæ ignarus
esset, rogauit Ciceronem, vt Græcè
declamaret. Cicero cū existimaret
hinc se emendatiorem fieri posse,
putauit Oratori tanto, honestum &
equum postulanti, esse concedendū,
& quod rogabatur, id animo luben-
ti complexus est. Cum itaque decla-
mauisset, ceterique in stuporem ad-
ducti, de laudibus Ciceronis intra se
se, cum animis suis singuli concerta-
rent, solus Apollonius, qui Cicero-
nem ad hanc contentionem ora-
tionis prouocasset, iam primum
ex admiratione ingenti in tantam
mentis consternationem prolap-
sus est, vt illum orantem ne intel-
ligere quidem posset: sed facto dicē-
di fine, solus secum meditans, diuq;
tacitus sederet. Magna, auditores, e-

F. iij.

loquentia;

O R A T I O

loquentia, quæ oratorem tantū, quā-
tus apud omnes habitus est Apolloc-
nius, ita ipsum sibi eripuerit : vt nec
Græcè intelligeret homo Græcus,
neque unum verbum faceret, maxi-
mus orator. Tandem prorumpente
in medium Cicerone, rediit ad se
Apollonius, & quasi gratiam rela-
turus, Te, inquit, Cicero & laudo &
admiror. Sed Græcorū fortune me
miseret, cum videam eloquentiam,
quæ sola nobis bonorum omnium
relicta erat, per te Romam accessis-
se. ò te Apolloni, si vnquam aliàs,
hoc certè tempore verissimè dicen-
tem. Quam enim artem vobis Græ-
ci, solam reseruastis, cum reliquas om-
nes iam olim Romanis communi-
cassetis, illam vobis artem, bene or-
nateq; dicendi, venit erepturus Ci-
cero: illam vobis è manibus excussit,
excussam, mente excepit, mente con-
ceptam

S E C V N D A.

ceptam, ingenio fouit, Romamque
 asportauit, victor rediens & trium-
 phator. O te igitur, victorē felicis-
 simum Cicero, non iam à turbulen-
 ti Martis, sed pacatæ Mineruæ ca-
 stris redeūtem. O te M. Tulli trium-
 phatorem ter maximum, non ex bel-
 lo solum contra homines cōiuratos,
 sed ex studio contra viros Græcos.
 Quibus ego te hīc verbis: Qua tādē
 prædicatione extollam: Nā si (quod
 Poëta in minori causa dixit) mihi
 linguę essent cētum, si ora centum, si
 ferrea vox, latera fortia, spiritus in-
 exhaustus, pectus infractū, nūquam
 tamen hunc vnum triumphum tuū
 possem satis decantare. Opprimi
 me hic sentio, auditores, magnitudi-
 ne atque iufinitate laudum Cicero-
 nis, homo amens, & imprudens qui
 fui, vt in me aliquando M. Tullij lau-
 des dicendas susciperem, qui apud

F.v.

T. Liui.

ORATIO

T. Liuium historicū magnum, & au-
thorem grauem, legerim, in laudes
Ciceronis sequendas, Cicerone lau-
datore opus esse. vt sicut Aiacem ne-
mo potuit superare, nisi Ajax, quòd
viro fortissimo nemo esset fortior:
sic Ciceronem nemo laudare, nisi Ci-
cero posset, quòd oratore eloquen-
tissimo, nemo sit eloquentior. A qua
quidem laude, cum ego mortalium
omnium sim alienissimus, atque is
certè sim, qui ad laudationem Cice-
ronis nihil adferre possim, non dico
amplius. Illud tamen dicam, audito-
res, M. Ciceronem, cum quosdam P.
Virgilij versus audisset, & statim a-
cri iudicio intellexisset, non com-
muni ingenio factos esse, cum totam
eclogam accuratè notasset, ad finem
dixisse: Magnæ spes altera Romæ.
Alteram autem dixit, quòd ipse lin-
guæ latine spes prima fuisset, & Ma

S E C V N D A.

ro futurus esset secunda. Quandoquidem igitur Cicero hoc Maroni laudationis hemistychium attribuit, nihilque ego Cicerone dignum præstare possum, quod solum possum, id libenter faciam. Accipiam mutua vice à Vergilio carmen, quod Cicero-
ni, de eloquentia comparata triumphanti proprium dicabo. Te igitur appello Romam redeūtem Cicero, te triumphantem oratorem nobilissimū: Egregiam verò laudē Marce Tulli, & eloquētiæ spolia ampla tulisti, quibus exornatus cum Delphis uenisses ad Apollinem, rogassesque quid acturus, posses ad gloriam & splendorem nominis peruenire: responsum tibi est, ut naturam tuæ vitæ ducem, non multorum opinionē sequerere. Natura enim te ad eloquentiam effinxit. Sed multorum, tibi amicissimorum hominum
opinio

ORATIO

opinio, ad negocia reipub. gerenda
 nimium properanter excitauit. At
 tu Delphici oraculi memor consili-
 o quidem optimo, primum reditus
 tui tempus in ciuitate quietè transe-
 gisti, ad Rempub. pigrè accessisti,
 & te dignitatibus ægrè ingessisti,
 Græcum hominem te, atq; ociosum
 appellari audiuiſti. quæ duo nomi-
 na tanquam odiosa, in ore rudium
 opificū de te facile & crebrò diuul-
 gabātur. Quæſo, auditores, cogita-
 te mecū hoc loco Ciceronis otium,
 vt quid ille tanto tempore, in quie-
 ta ciuitate, poſt peregrinationū dif-
 ficultates, antequam accederet ad
 remp. egerit, intelligatis. Legiſtis,
 credo, in fabulis, auditores, quomo-
 do Iupiter Semelen Cadmi filiam a-
 mauit, ad quam ex Ioue pregnantem
 Iuno grauis adulterij vltrix acceſſit,
 induta personam Beroës nutricis, &
 quo

S E C V N D A.

quo magis Iouis amor, quātus esset, appareret, Semelen iussit de Ioue petere, talem vt se sibi exhiberet, qualē Iunoni solebat. Semele magnum esse putans, videre tam praeclarū Deū, cum liberam haberet cuiuscunq; rei, quam vellet, optionem: solam rogauit apparitionē dei. Indoluit Iupiter rogatae, quòd mortalium oculi, immortalis Dei vultum intueri non possent. Sed quid faceret? neq; enim iusiurandum per paludem Stygiam fas fuit violare, etiam ipsi deo. Accepto igitur in manus fulmine Iupiter mulicrem sibi amatam à Iunone illusā, infausto munere, Semelen interemit, & infantem, eius vtero extractū, suo foemori imposuit, & tempore partui oportuno more grauidae mulieris enixus est. Hinc Bacchum hodie bimatrem appellamus, quòd primum ex Semele, deinde ex Ioue

ORATIO

Ioue tanquam duabus matribus in hanc lucem æditus fuerit. Hic ego si fabulas sequerer, auditores, possem Iouem, Æneæ Veneris filij causa Romanis semper, quàm Græcis amicio-rem dicere. Iunonem contrà, hos amasse, illos infesto animo persecutâ fuisse. Et certè an in causa eloquenti-æ, de Græcis ad Romanos transferē de, Iupiter Iunoni, par pari (quod aiunt) retulerit nihil dico. Vos existimabitis, auditores. Nam ego debere nos Græcis (ne à quibus beneficiū acceperis, eos cōtemnas) & debere nos Athenis, fateor, tanquam matri cuidam Semeleæ acceptâ referre eloquentiam, pulchram illam quidē sed tamē aliqua ex parte informem, quasiq; infantem adhuc, neque omnibus numeris absolutam. Quippe, si ne ipse quidem Demosthenes, qui vnus eminet inter omnes in omni genere

S E C V N D A

genere dicendi, semper impleuit au-
 res Ciceronis, quem ego Græcum,
 perfectum dicam Oratorem. Hanc
 ergo eloquētiā talem, viribus ad-
 huc inbecilliorē, quā ut in forē-
 si strepitu & populi seditionibus
 posset cōsistere, excussā (ut āte dixi),
 de Græcorum manibus quodā ver-
 borum fulmine, M. Cicero, tāquam
 aliquis Iupiter, aut certē à Ioue ad
 hoc missus, in sinum suum excepit,
 & Romam asportauit. Vbi si, quid
 egerit, interrogetis, toto illo tempo-
 ris interuallo, quo post reditum ex
 Græcia, se abstinuit à Republica:
 dicam profectō, auditores: Parturi-
 uit eloquentiam. Nam cum omnis
 naturæ generatio, ex coniunctione
 fluat, M. Cicero semper cum Græ-
 cis Latina coniungens, idque in
 dicendi exercitatione maximè, con-
 cepit animo illam eloquentiæ pul-
 chritudinem,

O R A T I O

chritudinem, quam in vrbe Roma
 norū hoc quietis tempore peperit:
 perfectam illam & plenam, suisque
 numeris absolutam benè ornatēq; di
 cendi facultatem: filiam quidem ta
 lem, qualem vobis ante descripsi, quā
 manu prehensam eduxit domo, &
 in forum adductā populo commen
 dauit, qua ex re tantum sibi famæ &
 existimationis conquisiuit, vt ad sū
 mas dignitates non paulatim, aut
 quasi per certos gradus ascenderit:
 sed subito atque statim, magno no
 minis splendore & gloria, ceteris, qui
 versabantur in foro, omnibus vnus
 emicuerit. Nimirum oportebat tan
 tum lumen artis nobilissimæ, ita
 virtutis suæ radijs, oculos hominum
 perstringere, vt animos etiā posset
 iucunditate mouere, & in sui admi
 rationem populū accendere. Quod
 quia Ciceroni semper ad maximum
 honoris

S E C V N D A.

honoris & glorię cumulū accessit,
 & ita quidem accessit, vt & magi-
 stratus optimus, & orator maximus
 haberetur. Vt pater patrię, & parēs
 eloquentiæ primus appellaretur.
 Ego in hac tanta nominis & inge-
 niū laude, ipsum vobis, auditores, cō-
 mendo: perfectum vitæ in Repub.
 agenda exemplar: vt eius monimē-
 ta, quæ vobis reliquit, assiduis mani-
 bus vsurpetis. Nemo enim orator
 tam multa, ne in Græco quidem oci-
 o scripsit, quàm multa Cicero. cuius
 opera si cui placere cœperint, illum
 iubet Quintilianus confidenter cre-
 dere se in studio multum profecisse.
 Hanc enim habēt (quam ego hactē-
 nus si non laudaui, laudare certē vo-
 lui) perfectam eloquentiam. Quæ
 quidem Eloquentia non vni hodie
 Romanorum vrbi, sed vniuerso ter-
 rarum orbi comendatissima est: &

G. i.

vobis

ORATIO

vobis quoque, auditores, optimo nobilitatis consilio, & summa magistratum prudentia, breui (sicut audio) cōmendabitur, quod illis honori, mihi & vobis vtilitati, atq; huic Academię Louaniensi, fœlix, fortunatumq; sit, precor. Dixi.

Errata sic corrigito.

- Quat. A. pag. 4. linea. 2. quoniam, lege quin. pag. 13. li. 1. difficillima communibus. & c. lege difficilima, sed cōmunibus. li. 8. pro grauissimas, lege ornatissimas. pag. 16. li. 6. lege omnium.
 B. Pag. 4. li. 2. leg. ex multis literis, ex multis syllabis, & c. pag. 5. li. 8. habeant. lege habebant.
 C. pag. 4. li. 10. agricolando, lege. agro colendo. pag. 16. linea 4. leg. monitis.
 E. pagina 3. li. 1. alienus, Dionisia. leg. alicui Dionysia. pag. 4. cenſeo cuius, leg. cenſeo. Cuius. pagina 8. li. 1. dicere, lege ducere. pag. 15. linea penult. pro enim, lege est.
 F. pag. 15, linea 20. lege Latina.

Londini apud Reginaldum Wolfium

1566.

In
 Rexen of the parish of
 Dilton in the same
 county of Wiltshire

